

# Ясвриг түргдүлхмн

Хар газрин теегт үвлэджэх, Яшалтинск района 5 колхозиг, сэн белдвртэ гидж келдж болшго. Эн эдлахусин малин идшлгнэ газринь ногъан йир му. Тер учрар, декабрь сарин эклиас авн, хөөдэн өвсэр асрх керг учргдджана. Түүгинь тоолхла, эн колхозмудин хөн болгъна тоод 1,7 центнер сэн шимтэ өвсн кергтэ.

Эн района, Кировин нертэ колхозин, Хар газрин үвлэнгүр шидр ирсн ирсин чинань зөвэр тату, гедниг оданас авн үүлгдсн гуйр-оуудян хотар асрх зөв харгьджана, болв эднд хамхлгддж үүлгдсн ичмэн уга.

Эн колхозин хөн болгъна тоод 1,2 центнер өвсн белдгдв. Тер өвсдэ зугл 42 процентнь малин үвлэнгүр зөөгддж овалгдв. Малин хаша-хаацнь, тоогъарн күүцдэн бээв игн, ясврнь төгскгдэд уга. Энүнд кергтэ хулсна 250 шитмас, зугл 100-нь бээна. Рештакуд болн малд хот өглгнэ яслэ тосхлгъна модн бэинэ, болв тосхлтин цуг эн материал гарддж, то-дигинь авчах кладовщик даньгин сокту бээх учрар, тосхлтин кōдлмш му йовна.

Колхозин гардачир эн тоотд ик оньган өгч, өөрхи цагин эргцд дутудундан күүцэддж, сокту кладовщикиг сольдж, үнн седклтэ күү авх зөвтэ.

«Заветы Ильича» колхозд чигн, Кировин нертэ колхозас, үвд белдлгъарн дала сэн биш. Эдн хөн болгъна тоод зугл 1,37 центнер өвс белдв, хаша-хаацнь күүцдэн ясгддж белдгдэд уга, 5 кошарас хойрхнь цеврлгдв, гурвн кашарт бээх хөөнэ өтг ода чигн хагългдэд уга.

Эн района «Победа» колхоз зөвэр сэн үзмджтэгъар хө үвлзүллгънд ирдж, Хар газрин теегт бээх үвлэнгигн бээрнүр, белдгдсн цуг өвсн зөөддж овалв.

Малин хаша-хаац ясдж белдлгънд, тосхлтин бригадин 8 күүн икэр шундж кōдлджэцхэнэ. Эдн авсн даалгъвран сэн чинртэгъар, эн өдрмүдин эргцд төгскх болдж үгэн өгцхэв.

«Новый мир» колхозин ах хөөч үр Куркина хөд үвлэх кашармудин орань күүцдэн белн болдж ясгдэд уга. Хөөчирин гермүд белн. Эн колхозин хөөнэ услвр эн джил зөөлгън уга болхмн.

**А. САНДЖИЕВ.**